



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 119. Rex e ruptæ hastæ ictu vulneratus.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

matrimonium inter Margaritam Henrici ^{Sæcul. XVI.}
 Regis sororem, & Sabaudiaë Ducem: ^{A. C. 1559.}
 ut igitur hæc solemnitas cum majori
 pompa haberetur, hastiludia, seu hono-
 rifica certamina, in quibus Nobiles in
 arenam descendentes suæ fortitudinis,
 ac dexteritatis specimina ederent, per
 integros tres dies institui decrevit: Ita-
 que pugnantibus equo vecti concurrunt,
 muniti lanceis, ac gladiis, quorum ta-
 men cuspides, aciesque hebetatæ, atque
 obtusæ erant; quamvis ob immodera-
 tam certaminis aviditatem, vel decer-
 tantium odia non raro funesti casus eve-
 nissent; cum autem eo tempore Gallia-
 rum Reges in Palatio, quod a Turri-
 culis nomen habet, in S. Antonii vico
 prope Bastiliam arcem habitarent, ideo
 Henricus II. ibidem ab utroque hujus
 plateæ latere pro equestri hoc certamine
 sedilia disponere jussit, atque ipsemet
 unacum Ferrariaë, & Guisii Ducibus
 die trigesima Junii pugnam inire voluit,
 Hispanisque spectantibus cum aulæ suæ
 Nobilibus dexteritate, ac virium robo-
 re magis conspicuis sæpius in are-
 nam descendit, eorumque ictus felici-
 ter elusit.

§. CXIX.

Rex e ruptæ hastæ ictu vulneratus.

Ea-

Sæcul. XVI.
A. C. 1559.

*Thu. l. c.
Duplex hist.
de France
tom. 3.
p. 590.
Brantom.
mem. t. 2.*

Eadem adhuc die Rex, postquam plures Equites humi prostravit, Gabrieli Lorgio Mongomerio Comiti, ac regii Satellitii Præfecto injunxit, ut cum ipso ludicrum certamen iniret, ac hastam frangere tentaret, eoquod pugnandi peritia, ac dexteritate ceteris celebrior crederetur. Hic modeste pugnam recusabat, cum priori die forte minus prospera in hoc ludo sese exercuisset, nec non debita erga Regem submissione absterreretur: quinimo ipsamet Regina, veluti futuri casus præsaga Regem, ne amplius concurreret, efflictim rogabat, easdemque preces per Sabaudix Ducem ingeminari curabat. Verum Henricus cum Comite cursum tentare volens, lanceam afferri iussit, dicens: „hac duntaxat adhuc vice concurram, secunda mihi aderit fortuna.“ Ergo ambo in certaminis loco comparerent, equisque agitatis mutuo sese invadunt, ac tanto impetu invicem impellunt, ut eorum hastæ utrinque frangerentur, ac Montgomerianæ lanceæ festuca casu, cum fors cassis esset aperta, tam valido ictu Regis oculum penetraret, ut inde occiput læderetur, atque eo ex vulnere Rex ex equo suo in terram prostratus, mentisque, ac linguæ usû destitutus pene exanimis corrueret, donec undecima post acceptum vulnus die

die scilicet decima Julii in suo Turri-
culano Palatio decederet.

Sæcul. XVI.

A.C. 1559.

§. CXX.

*Henrici II. Galliarum Regis obitus,
variumque de eo iudicium.*

Die, quo Rex obierat, numerabat *Thuan. hist.*
ætatis suæ annos quadraginta, tres *l. 22.*
Menses, & undecim dies, postquam *Petrus Pa-*
duodecim annis, quatuor Mensibus, & *scalius in*
decem diebus regnasset. Cor ejus de- *elog. Hen-*
latum est Lutetias Parisiorum ad Tem- *rici II.*
plum Patrum Cœlestinorum, corpus
vero illius ad Ecclesiam S. Dionysii
ubi Regina Vidua eidem magnificum
prorsus monumentum poni curavit.
Porro Calvinii Sectatores insulse obser-
vabant, quod Rex fuerit vulneratus,
haud procul a Bastilia arce, in qua qui-
dam Regii Senatus Patres captivi de-
tinebantur, atque inter eos præcipue
Annas Burgus, de quo asseverabat,
quod utroque suo oculo spectator adesse
velit, quando is rogi supplicio e medio
tolletur. Referunt alii, quod Lucas
Gauricus celebris Mathematicus, ac
Paulo III. percarus jam dudum Regis
mortem prædixerit, ac Reginæ illum
hac de re consulenti responderit, quod
Rex illius Maritus vulnere in oculo ac-
cepto in duello vitam amissurus esset.

§. CXXI.